

Elly de Waard leest Anna Bijns (De Langste Dag, 10 december 2010)

Elly de Waard

bron

Elly de Waard, *Elly de Waard leest Anna Bijns (De Langste Dag, 10 december 2010)*. 2011

Zie voor verantwoording: http://www.dbnl.org/tekst/waar002llda01_v01/colofon.php

© 2011 dbnl

The logo for the Digital Bibliothek Nederland (dbnl) consists of the lowercase letters 'dbnl' in a blue, sans-serif font. The letter 'd' is stylized with a small hook at the top.

Elly de Waard leest Anna Bijns

Ongebonden best, weeldich wijf zonder man

Het is beter geveesten dan kwalijk gevaren

Een hebic verkoren, ik het sals niet laten

Een hebic verkoren, ik het sals niet laten (laatste couplet)

O doot, hoe bitter is u ghedincken

O Ongenadighe doot bloetghierige beeste
Ghy vernielet al dat leven heeft ontfaen
Hoe rijck / hoe schoone / hoe subtyl van geeste
Niemant en mach uwen schicgte ontgaen.
Ghelijck ons Ecclesiastes doet verstaen.

De wijse sterven ghelijck de sotten⁺

Therte verschriet / hoorende Jobs vermaen

⁺Eccl. 1. c

Gelijck vuyl etter / sal myn vleesch verrotten

Int graf / als een cleet wert gheten vanden motten⁺

Eerde werden soo alst es van eerden ghemaect

⁺Job 13. d

Veel brooscher dan glas / oft scherven van potten⁺

Es de mensch die alle uren ter doet ghenaect

⁺Gen. 3. d

Wy gaen alte niete Thecuts spraect⁺

Ghelijck wateren die inder eerden sincken

⁺2 Reg. 14 c

Ick seg peysende / hoe zuer / dees not wert ghecraect

O doot hoe bitter es u ghedincken.⁺

⁺Eccl. 41. a

Wat mocht Sardanapalo / zijn wellust baten

Wat helpt eere / rijckdom oft hooverdye

Als de doot comt moetment hier al laten

Wat halp Aristoteli zijn philosophije⁺

Waer is Alexanders macht en heerschappije

⁺Psal. 48

Dien alle de Weerelt / was te cleene

Moest sterven / en als een stinckende prijje

In een graf van acht voeten / rusten alleene

O doot ghy zijt alle menschen ghemeene

Een quale / daer niemant af en geneest
Want wy sien / hier isser lutter oft gheene⁺
Die over hondert jaer / hier hebben gheweest
En die hier nu zijn / ay lacer wat eest?
Sullen oock eer hondert jaer in derde stincken
Dus seg ick noch soemen in scriftuere leest
O doot hoe bitter es u ghedincken.

⁺Eccl. 18. a

Wat bate Salomon / al zijn glorie ⁺	
Wat holpen Mathusalem / zijn lange jaren ⁺	⁺ 3 Re. 10. a
Waer is nu Julius Cesars / victorie	⁺ Gen. 5. c.
Die veel coningen dwanck met zijnder scharen	
Waer zijn de machtighe / die voor ons waren ⁺	
Die op de beesten / der eersen / reden	⁺ Bar. 3 b
Dlichaem doot / de siele / ter hellen ghevaren	
En ander zijn opghestaen / in haer steden	
Waer is Absalon / die schoone / overleden ⁺	
Waer is Sampson / Hercules / groot van crachte	⁺ 2 Re. 14. f
Haer graven werden / met voeten getreden	
Sy ligghen in deerde / als dongheachte	
Waer is Priamus / en zijn edel gheslachte	
Wiens glorie / men in Troyen sach blincken	
Waer is tGriecse heyr / dat Troyen tonderbrachte	
O doot / hoe bitter is u ghedincken.	
Ons daghen vergaen ghelijck eenen roock ⁺	
En ons leven / en is niet / dan eenen wint	⁺ Ps. 101. a
Wy gaen oppe / als een bloeme / en verdwijnen so ooc ⁺	
Wanneer dat de doot / compt / diet al verslint	⁺ Job. 14 a
Soo gheringe als ter werelt / compt een kint	
Vindet hem met Adams / misdaet belast ⁺	
Sterflijck / want God elcken te sterven verbint ⁺	⁺ Job. 4 a
Om dat Adam de vrucht heeft ane getast ⁺	⁺ Ps. 50. a
De mensche compt ter werelt / als een vremt gast	⁺ Gen / 3. a.
Hy begint te sterven / als hy wert geboren	
Ghelijck dwebbe eens Wevers / als dlichaem wast ⁺	
Werden zijn dagen vast af gheschoren	⁺ Esa. 38 c
Den boom des levens / hebben wy verloren	
Diveersche ghebreken / doen dlichaem crincken ⁺	
Dus moeten wy sterven / ons ouders zijn voren	⁺ Ps. 89 c
O doot hoe bitter / is u ghedincken.	

Ons leven is cort / met lijden vervult⁺
 Door diveersche herten schiet de doot haer stralen †Job. 14 a
 En sterven / is ons natuerlijcke schult⁺
 Die elck metten lijve sal moeten betalen †Ro. 5. b.
 De doot sal comen / ten mach niet falen⁺
 Onseker / wanneer / hoe oft in wat manieren †Mar. 13. d
 Wy loopen ter doot / dachlijcx corten ons palen
 Ghelijck totter zee / loopen / alle rivieren
 Het lichaem dat wy nu schoone vercierem
 En seer behaechlijck / is int aensien
 Dat salmen bestorven ter eerden bestieren
 Diet beminden sullender dan af vlien
 En wat der armer zielen / sal gheschien
 Is onseker noyt suerder sop om drincken
 Elck mach wel seggen / want het blijct uut dien
 O doot hoe bitter / is u gedincken.

Gheen mensche soo sieck / soo arm / soo snoode
 Hy en vreest de doot / en dat natuerlijck
 Want van beminden dinghen scheytmen noode
 Siele en lijf minnen malcanderen bruerlijck
 En hierom scheyden zy oock seer suerlijc
 Want Christus hem selve / vander doot verveerde⁺
 Sweetende water en bloet / uut anxste beruerlijck⁺ †Mat. 20 d
 Van vreesen der doot die hy nochtans begeerde †Luc. 22 d
 Gheen capiteyn hoe vroom / soo rasch / te sweerde
 Peysende om de doot / hem scroemter teghen
 Weer wy te voete gaen / oft rijden te peerde
 De doot vervolcht ons / op alle wegghen
 Sy is onverwinnelijck victorieus vol seghen
 Met geender wapenen / en machmense crincken
 Dit doet my seggen / naer mijn oudt pleghen
 O doot / hoe bitter is u ghedincken.

De doot es den ouders / inde duere
 En de Jongers belacht zy over bergen en dal⁺
 Niemandt soe jonck / soe schoone in zynen fleure ⁺Eccl. 9. c
 Die weet oft hy morghen leven sal
 Wy moeten al vallen der natueren val
 Snelder dan een looper / vergaen ons daghen⁺
 Dat wy niet en weten / es tvreesselijcste van al ⁺Job 9. c
 In wat manieren / ons de doot sal craghen
 Want de doot / die leyt ons dusent lagen
 Door oude door siecte / en door accidenten
 Deen verdrinct / dander valt / de derde wert verslagen
 Deen sterft onversien dander met veel tormenten
 Dus haelt de doot / alle jare haer renten
 Vander werelt / niet achtende / wiens vruecht mach mincken
 Wanneer wy dit in ons herte prenten
 O doot / hoe bitter es u ghedincken.

Bron: genomen naar Anna Bijns, *Seer scoon ende suyver boeck, verclarende die mogentheyts Gods, ende Christus ghenade, over die sondighe menschen*. Peeter van Keerbergh, Antwerpen 1567